

Puleaina o Tekinolosī

Vaega 1. Faaalu tatau le taimi i tekinolosī

I le Mataupu Faavae ma Feagaiga, o loo faaoga ai e le Alii ia faaupuga “auai ma le naunautai” ma le “faapaie.”

- O le a sou manatu i le uiga o nei upu?

Faitau mau nei ma mafaufau loloto i mea ua aoao mai e le Alii e uiga i le auai ma le naunautai ma le paie: Mataupu Faavae ma Feagaiga 58:27–28; 60:13; 68:31; 75:3.

- E faapefea ona e aoteleina mea e aoao mai e le Alii?

(Faatasi ai ma ni nai upumoni, atonu e te faailoa maia se mea e pei o lenei: E finagalo le Alii ia tatou auai ma le naunautai i le faia o mea lelei ae aua le faamaumauina o tatou taimi.)

- E mafai faapefea ona tatou iloa pe o faaalu vale lo tatou taimi i tekinolosī?

Suesue le faamatalaga lenei, ma vaavaai mo malamalamaaga e uiga i le faaogaina tatau o tekinolosī.

Na aoao mai Elder David A. Bednar o le Korama a Aposetolo e Toasefululua:



E ono tuuto atu e se [tagata] mafaufau faatamaitiiti pe taitai seseina foi le tele o le taimi e taalo ai i taaloga vitio, talanoa i le initoneti, po o nisi auala e faatagaina ai masini omiomi e pulea pe faoa mea e pei ona i ai lava. O le taimi muamua e foliga ai e le leaga tele le faaalu ai o le taimi, e faapea o ni nai minute e toomaga i ai mai le pisi ma le mamafa o fuafuaga o le aso. Ae o avanoa taua ua misia mo le atiina ae ma le faaleleia atili o tomā faafesootā'i. . . . E faifaimalie lava, o faafiāfiaga e foliga mai e le afaina, e mafai ona avea ma se ituaiga o faapologaina faataumaōi. (David A. Bednar, “O Mea e Pei Ona I Ai Lava,” *Liahona*, Iuni 2010, 21)

- O a mafuaaga e faaoga e tagata e faamaonia ai le maimauina o le taimi i tekinolosī?
- O le a se mea e fesoasoani ia te oe e aloese ai mai le faama'umauiina o lou taimi i tekinolosī?
- E mafai faapefea ona e faaofia le Alii i au taumafaiga e faaoga ma le tatau le tekinolosī?

Vaega 2. Filifilia o ala o faasalalauga lelei

- O a filifiliga o ala o faasalalauga e te faia ma masani?
- O a ni mea ua aoaoina ai oe e ou aafiaga e mafai ona fesoasoani ia te oe e latalata atili ai i le Tama Faalelagi ma Iesu Keriso a o e faia filifiliga e uiga i ala o faasalalauga?

Faitau le Mataupu Faavae ma Feagaiga 50:23–24; Mataupu Faavae o le Faatuatua 1:13; ma le Moronae 7:12–17, ma vaavaai mo upumoni e mafai ona fesoasoani ia i tatou e faamasino ai mea e lelei ma mea leaga.

- O a ni upumoni e te maua i nei fuaiupu?

(Faatasi ai ma ni nai upumoni, e mafai ona e faailoa mai se mea faapenei: O mea e faamanino ma faatauanau e fai le lelei e mai le Atua.)

- E mafai faapefea ona aoga ia te oe le faaogaina o lenei upumoni pe a e filifili po o a ala o faasalalauga e faaoga?

Sa valaaulia i tatou e Elder David A. Bednar e fesili ifo ia i tatou lava le fesili lenei e uiga i ala o faasalalauga tatou te faaogaina:



Pe o le faaogaina o tekinolosī eseese po o auala o faasalalauga e valaaulia ai pe taofia ai le mafutaga faifai pea a le Agaga Paia i lou olaga? (David A. Bednar, “O Mea e Pei Ona I Ai Lava,” *Liahona*, Iuni 2010, 23)

- E mafai faapefea ona e valaaulia le Agaga Paia a o e faia filifiliga o ala o faasalalauga?
- O le a se mea e fesoasoani ia te oe e aloese ai mai ituaiga o ala o faasalalauga e mafai ona taitai ese ai oe mai le Faola?